

**IESUS INTER
TORMENTA DEUS
ORATIO IACOBI
LAMPUGNANI MEDIOL.
E SOC. IESU DICTA...**

Giacomo Lampugnani, Valenti
Gonzaga



THE UNIVERSITY OF CHICAGO
LIBRARY

OF THE EAST ASIAN LIBRARY

CHICAGO, ILLINOIS

1950

1000

1000

1000

1000

1000

1000

1000

1000

1000



EMINENTISSIMO D.
THEODORO
CARDINALI
TRIVVLTIO
S. R. I. PRINCIPI &c.

Jacobus Hieronymus Lampugnani F.



REVISSIMA Oratio longè breuiorem desiderat epistolam, vt corpori respondeat caput. Quoniam autem, cum diceretur, concionem habuit, qua nulla est in terris

augustior ; ita , dum legitur , ambit in
 fronte coronam nominis tui . Non po-
 tuit Frater meus à Te præsens audiri :
 exoptat videri absens , in argumento
 scriptionis tam sublimi , vt omnem di-
 ctionis humilitatem attollat . Ego obse-
 quij communis interpres , communibus
 votis illam Tibi sisto , vt in ista luce no-
 bilitatis , ac purpuræ , viuat oratio , quæ
 nata est inter tenebras morientis Dei :
 Vale .



ORA-

ORATIO.

90.



OEVISSIMA Christi
Domini cædes, *Iudeis* 1. Cor. 1
scandalum, *Gentibus*
stultitia, Sapientibus
argumentum est Diui-
nitatis, Beatiss. P. Ne-
que enim tanta perfer-
re posset, neque ani-

mo tam excelfo, nisi Deus: nec tam pro ho-
mine indignata rerum Vniuersitas quaterer-
tur. Vt meritò nutantem demiratus Naturam
Atheniensis Iudex, *Deum pati*, certissima con-
iectura pronunciauerit. Nos cruciatum hu-
mano maiorem: innocentiam morientis, cha-
ritatem, patientiam Deo parem: Mundi ex-
horrescentis tumultū diuino exitio dignum;
oratione percurramus celerrimè, memoria
diutissimè consignemus.

Et primò quidem Epulum subita modici
panis, ac vini conuersione apparatur, *habens* Sap. 16.
in se omnis saporis suauitatem. Quod institui
potuisse haudquaquam adduci possemus ad
credendum, si non illud immensà Deus po-

tentiâ condidisset . A cœna properat in Hortum , efflorescentes iam ibi decerpturus pœnas : quas humanis viribus grauiiores subodoratus , idcirco *auellitur à suis* , vt solus ferret .

Lut. 22. Cum ecce *Angelus de calo confortans eum* . O dolores in sola vel imagine intolerandos : quando serui hortatione quodammodo eget .
Pf. 90. Dominus ille , ad quem sponte vocantem *flagella non accederent* , nisi increpita . Ergo in terram pronus humeros supponit , non Calo (quod fabulosè potuit Atlas) , sed nostrorum barathro scelerum (cui solus eleuando Deus erat) : atque intractabili oppressus pondere , non humorem exsudat , vt Homo , sed laxatis venis , sanguine exundat , vt Deus . Mox in ore Iudæ prægustat mortem , quæ , nisi personata sub osculo , immortalem reuerita abstulisset . At vos , nocturna furiarum agmina , quid faces , quid arma intentatis innoxio ? Nonne Deum abunde probat vester præceps iste retrorsum casus , trisyllaba morituri voce progenitus ? Non , insueto naturæ miraculo , reposita truncato auris ? Nimirum obcœcatas scelere mentes illustrare non potuerunt , quas secum multas tulerant , ardentes tædæ . Quare intactis ad imperium Dei discipulis

pulis, vnum adorti, vincula indijciunt, constringunt arctissimè, anhelis circumstunt, protrudunt, in Urbem rapiunt triumphantes. Non tu, bone Nazarene, hosce complexus sperare potuisti à carissima sponsa Synagoga. Proh, quam diuersi nexus ab illis, quos Virgo Mater olim Paruuli lactentis collo inferebat! Attamen bene est: *Funes ceciderunt tibi in praelaris, vt manifesta Dei virtute captiuus exolueres genus humanum, & mortuus reuocares ad vitam.*

Ps. 15.

2. Machab. 3.

Ad Annæ primùm, tum Caiphæ domum pertractus, accusatur vt impius, depalmatur vt impudens, loquitur vt Dominus, tacet vt innocens, damnatur vt sacrilegus. sed nullus est idoneus testis, quia sunt plures: palmaris contumelia seruit adulationi: loquentem nolunt audire: tacentem stimulant: & iniustitia debacchante Accusatores iudicant, Iudex accusat. Ecquis reliquum nefastæ illius noctis profari possit? Vos, Astra, tuque Astrorum regnatrici Luna, dicite, quid vigilantibus oculis in scelestissimo vidistis atrio: si tamen rerum indignitatem auersata non fugistis è cælo. Conspuitur Diuina facies, munditia paradisi: conscinditur pugnis, qui mensus est pugillo

Isa. 40.

aqua.

- aquas, & calos palmo ponderavit: alapis deho-*
Hebr. 7. nestatur vultus, paternæ gloriæ splendor: vela-
 tur oculis, qui animorum consilia reteggit, &
 omnes introspicit cogitatus: illuditur, velli-
 catur in pilis, cæditur, scommatis mordetur:
- Luc. 22.** *& alia multa blasphemantes dicebant in eum.*
 Sed non tam hostiles manus corpus laceraue-
 re, quàm Amici infauſta vox, Domini cor
 traiecit: Petrus, quem mente numquam abi-
 iecit, ore sæpius abiurat Deum, & ad primos
 plebeculæ sermones abiurat. Scilicet carce-
 rem mortesque antè professus, inanem nunc
 aëris motum pertimet. Verùm & inimico-
 rum insaniam patientia planè diuina vicit: &
 discipuli miserandum casum erexit charitas.
- Deut. 4.** Quia enim *Deus ignis consumens est*, vel sola
 potuit luce congeliatum timiditate pectus
 yberes in lacrymas eliquare.
- Post noctem dilapsis è Cælo tenebris, sed
 duplicatis in animo improborum, confir-
 mant latam noctu sententiam de nece imme-
 rentis, habita iterum quæstione, ac renoua-
 to suffragio, ne semel tantùm viderentur in-
 iusti. Itur deinde ad Romanum Præsidentem,
- Sap. 2.** non vt iudicet, sed vt *turpissima morte condem-*
net iam ab accusatoribus iudicatum. Videte
 tamen

ramen homines Religiosos : ingressu Præto-
 rij abstinent, ne polluantur : cumulum men-
 daciorum aggerant, vt crucifigant . O verè
sepulchra dealbata: nec vos mouet taciturnitas *Matth. 23.*
 illa Deo digna, quam supra hominem Pila-
 tus homo exterus admiratur ? moueret saltem
 horrendus Iudæ exitus, qui sceleris admissi
 nouo scelere pœnitens, iam (si nescitis) cur-
 rit ad laqueum, disrupto atrociter corpore, &
 dissipatis scædè visceribus testatus se prodito-
 rem Dei : insigni documento, Aliquando in-
 telligentia oculos in pœnam restitui flagitio
 parto, quos, dum conciperetur, ademerat .
 Ille tamen priùs, malè amatos *retulit triginta*
argenteos, quia videlicet vitalis vsque adeo est
 sanguis Christi, vt ne pretium quidem ipsius
 quamuis iniustum, iustissimæ morti intere-
 se voluerit . Ergo Prætor, innocentia con-
 scijs, iustitiæ impar; causam reiicit ad He-
 rodem . At impurissimi Regis in aula, Dei
 Sapientia pro stultitia est . Retractus ad Præ-
 torem, latroni, seditioso, sicario posthabe-
 tur Deus : ad columnam loris, virgis, ac fer-
 ro, dum totus crudelissimè dilaniatur, reti-
 nuit ibi, & illud ad saxum alligauit fugiti-
 nam generis humani felicitatem . In atrio
 spinis

spinis coronatur : irridetur palliastro cocci-
 neo : arundinei sceptri leuitate firmatur : ado-
 rant per iocum : seriò verberant : impensè de-
 decorant ; nempe vt *saturatus opprobrijs* , citra
 mortem , expleret rabiem furentium Iudæo-
 rum . Propterea è loco editiore producitur
 populo , adeo deformatus , vt non agnouis-
 sent , nisi addidisset , *Ecce Homo* . Fortasse
 persuaferat , si dixisset , *Ecce Deus* . Sed illi
 magis efferati , affulgente certa spe necis ex-
 torquendæ à Præsìde excordi ; Crucem , Cru-
 cem inclamant : donec ablutis manibus , &
 ore polluto , veriùs iniustitiam suam condem-
 nat , quàm IESVM , dum virum se toties iudi-
 ce innocentissimum damnat . Fecisses uti-
 nam prius , impie , quod tandem facis : mitius
 multò cum Domino actum esset . Verùm ini-
 qui Principis vel ipsa misericordia maximè
 crudelis est Deo . Itaque Cruciarium vni eo-
 rum *voluntati* , hoc est mille mortibus tradi-
 dit . Nec mora : imposito humeris patibulo ,
 latronibus socijs , inuidia deducente , festi-
 nat ad mortem . Accurrite *Angeli pacis* : Ad-
 uola Diuina Virgo : Vos , cælum , terræ ,
 maria prohibete facinus . Pœnarum abundè
 est , & quicquid vltra erit , haud Deum de-
 cet .

ect. Imò verò , si hucusque *potestas fuit tenebrarum*, iam *venit hora* , qua lucis Dominus *clarificetur* : vt idcirco fieri se vetet , quia non tam ipse , quàm nostrorum immanitas criminum illi suffigenda est ligno . Luc. 22.

Vbi ventum fuit ad montem, *in quo videbit*, & videbitur Deus ; denudatum ingentibus clavis impingunt Cruci : elatum maledictis incessunt : sitientem felle, tum aceto recreant . Nec tonas de folio Pater, nec fulmen iacis ? Arripuerat ille quidem arma, & intorsisset . At eleuatis oculis ad Patrem Natus , exarmauit iratum ea dulcissima voce, Diuinitatis indice , *Pater dimitte illis* . Postremum Gen. 22.
acclinato in mortem capite, verus obitu paruit Deus. Ecce enim, cùm antè nox tetra medium in diem irrupisset, continuò turbari spectaculi impatiens Natura: discisso templi velo intima Cæli nudari : fremere trementaque immobilis tellus: diffringi animata dolore laxa : prodire vita è sepulcris ; adeo prodigiosis euentibus , vt Romani , qui aderant milites , in primisque Centurio , *verum esse* Matth. 27.
Dei filium, exclamarint . Sic IESVS extrema atrocitate tormentorum , singulari patientia, indignantis testimonio Vniuersitatis declaratur

ratur Deus, quem vel ab hominum numero
expungere Iudæa
tentauit.

L A V S D E O.

